

۲۰ ذی الحجه ۱۳۳۱

پنجشنبه

۷ تشرین ثانی ۱۳۲۹

عدد — ۷۱

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.

هرقای امتک مقالات متصوفانه لرینه
جریده صوفیه تک صیفه لری
آچقیدر.

جَرِیدَةُ الصُّوفِيَّةِ

شیمدیلک هفته ده بر نشر اولنور.

نسخه سی ۴۰ پاره در

ابونه سی : بر سنه لك اعتباريله ممالك
عثمانیه ایچون ۴۰ آلتی آبلنی ۲۵ فروش
وممالك اجنبیه ایچون اون ابکی فرانقدر

محل اداره باب عالی جوارنده ابوالسمود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

ایدن کلیات [۱] آثار و جامع الکمالات والفضائل ارسال وزی در بای فیوض عرفانه غرق ایله وایه دار افتخار ایتدی .

او کلیاتک هر بیت لطیفی مثابه قواعدیت معمور ودرر غرر حمایه ایسه در منشور کی در ، عالم غیبدن ملهم اولدینده اشتباه ایتم .
قطعه

بارک الله خامه دربار او بر دلش نور تجلی یافته
از سواد نامه قدوسیان بهره از علم لدنی یافته

خزینه عرفان خلافتک اک کوزل اناری میانه قونلیدی مواظ
محتویه سیله مستفیض اولیورز، پک بیوک استحسانلر ایله تقدیر ایده بورز
نام های یوزمه ضرب ابتدر دیکمز فلوریلردن بر مقدار بی هدیه ملوکانه من
اولارق ارسال ایلدک دوام تراید عدل وشوکتیمز دعاده دائم اولمکمز
اقصای آملدر .

عبدالرحمن جامینک جوابنامه سی

ساکنان عالم ملکوتک وردی اولان بر دها البته اجابت مظهر
اولور، خلوص درویشانه ایله ایصال بارگاه احدیت اولنقددر، پادشاه اسلام
پناه حضرتلرینک نائل اولدیمز التفات هایونی بزی مراتب رفیعیه
ایصال ایلدی، مادام الحیاة شکر کذاریم . رفته حقیرانه منری حضور
شاهانه لرینه ایصال ایدن درویش محمد بد خشی عازم راه حجاز اولمغه
مقر خلافت عظمالردن کلوب کچر ایکن التفات حال المال خلافتناهیله
دلشاد بیوریلور ایسه بو حقیر بشقهجه تاطیف ایدمش اولور، عالم
اسلامیتک سرتاج مفخرتک و بیوک پادشاهنک سلامت ملک وسلطنتلری
ادعیه سیله هر طرف لسان مباحاتی تزیین ایده بور .

خالص



مرکز ثقلیت و بنای موجودیت

سر لوحیه نظر آ علم هندسه دن بحث اولنه منی آکلاشلماسون .
مقصد مرکز ثقلنی اعتنا ایله تعین ایدن مهندسینک آثار مخلهده سی
مثل کوسترلرک انظار اعتباری بنای موجودیت ملیه مزه توجیه ایتمکدر
وقتیله مطالعه ابتدیکم مقالانده خاطر مدده قالمشدر . مثلاً درسعادنده
کاشن بکی جامع شریفک اساس و مرکز ثقلنی امین اوکنه وساحل
بحره قدر سلیمیه جامع شریفک دخی باقر جیلر چاروشونه قدر امتداد
ایدر . عجیب بو آثار قدسیه زیارت ایدن وعبادته مشغول اوله کلن
کافه مؤمنین بو اساس و مرکز ثقلیت هندسه ویدن واقفیدر . بالطبع
انلر جیمه بویه بر حکمت هندسه ویدن خبر اوله مازلر مع هذا مؤمنینک

[۱] بو کلیات بو کون ایاصوفیه کتبخانه سنده غایب نفیس خط ایله عظیم
بر جلد تشکیل ایدرک محفوظ محفوظ احترامیدر ، عبدالرحمن جامینک برامین
فضل و عرفانیدر .

او آثار مخلهده جمیعته ادای صلواة ایتمکله مداومتلری معنوی بر
مرکز ثقلنک تظاهرینه خادم اولورلر . بنای موجودیت ملیه مرکز
ثقلنک حکمت طبیعی هندسه ویده نقطه دن خطوط خطوطن اجسام
تشکل ابتدیکی کی افراد ملتن جمیات وجمیاندن ملیت تجسم وتمضو
ایتملدرکه یزده بو عالم انسانیتده کندومری وموجودیتیزی محافظه ایدلم .
ملیتک تمضو وتجسم ایتمیچون آثار مخلهده اسلامیتک اساس و مرکز
ثقلنک واقف اولان مهندسین معنویهنک علم و عرفانی دینک مرکز
ثقلنی اولان اساس شریعتی صروه وثقانی سلامت بیلمک حجت ملیه
شعارنلدر . اوروپا اقوامنک کندیلرینه حصر ایتمکدری مدنیت
وحکمت ادریده بعض قواعد تصادف اولنورکه بزا وقواعدی کتاب
حکمیدن اخذ وتلقی ایدمیدیمز ایچون زمین وزمانه کوره بصیرتکارانه
بولنه مدیمز ایچون بنای موجودیت اسلامیه اوشوشن عجزلرک مخرب
انسانیتلرک ظلم اعتسافنه معروض قالیورز .

مدنیت ترانه سیله عالم اسلامیتی زنجیر اسارنه بند ایتمک ایستین
قوه مسلحیه و آکا ظهیر اولان سیاست وقوه قلبیه یزده مقابله
ایدمیلیمک ایچون حکمت قرآنیه قواعدندن حقیقی برمدنیت استخراج
ایدلم که شخص معنوی ملیتمز ترقیه مستعد قوم صالح اولدیمیزی
عالم اثبات ایتمسون . آوریالیرک استناد ابتدکاری قاعده حکمت اداری
قوت دکلیدر؟ ایفته او حکمت قرآن کریمده موجوددر ومؤمنلراوقوت
وحکمت ادارینک احضار ایله مخاطبدر . (واعذوالهم ما استطعتم من قوه
ومن رباط الخیل رهون به عذوالله وعدوکم و آخرین من دونهم لاتسلمونهم
الله یعلمهم و ما تنفقوا من شیئی فی سبیل الله یوف الیکم وانتم لانظلمون)
آیت کریمه سی اوقواعد حکمتنددر . بو آیت کریمه تدبر ونظر عبرته
مطالعه ایدرسک باشمزه کلان وعالم اسلامیه تهاجم ایدن سحاب ظلماتی
دفع وازاله ایدمک بر قوت آنحقی دولت علیهنک ومقام خلائقک بد
سلطوننده بولنمی اقتضا ابتدیکنی هر برافراد ملیت تقدیر ایدمک احکام
جلیله قرآنیه سی استطاعتیمز بتدیکجه اجرا یوسمی ، قوه بحریه وبریه
ویریلان اعانات ، فی سبیل الله ایفا اولنان خیرات ینه بزه عائد وبادی
سلامتمز اولدیننی ادراک ایتمککمز ایجاب ایدر .

اخبار نبویه قرآنیه دندرکه آرضه عباد صالحون وارث اولورلر .
(ولقد کتبنا فی الزبور من بعد الذکر ان الارض یرثها عباد الصالحون
ان فی هذا لبلاغ لقوم عابدين . وما ارسلناک الا رحمة للعالمین) [۲]

[۲] تحقیق بز نورانده فی کر اولندقدن میکره ذبورده یازدی که محقق یری
«کرة ارضی» بنم صالح قولارم وارث اولورلر . بو خصوص حقیقده باید اولان
قوم ایچون کفایه واردر . یا محمد بزی سنی عالمه آنحقی رحمت اولدرق
کوندردک .

شرح

رحمة للعالمین اولسی یر یوزنده محض هدایت اولان شریعت محمدیهنک
تمام ایدمک کافه ناسه تأثیر ونجلی ایتمیدر .

شو آيا ب جليله نك اشارت بيورديني حكمت و خبر غيبي طالمرا ايجون رحمت ارسال اولنان حقيقت محمدية و شريعت احديه قوم عابدينك كفائت مقدراتي اوله رقي آني قريبنده نجلي و نظاهر اينسه كرك فقط ملت كايذيني انقباه و سعي و كوشش مثمر ايتلدير، دينك هر براركاندن و آداب شرعيه دن جمعيت بشريه ايجون فوائد حكيمانه اقتطاف ايتك اهل بصيرت ايشيدر .
پوستنشين مولويخانه حايه

شمس الدين

فتوحات اسلاميه

قدس فتحك مابعدى :

بونارك فتحندن سوكر ا روم اسانسه واقف اولان برقي سـفارتله و بر مکتوب تودبيله ارطوبونه كوندردى . ارطوبون ، مکتوبى او فونوب آكلادقندن سوكر :

— عمرو بن العاص . اجنادندن سوكر فلسطین اراضيسندن برير آلاما ياجقدر . چونكه اورالرك صاحبي باشـقهسى اولاجقدر . ديهرك حضرت عمر ك اوصافى تعريفه باشـلادى . عمروك سفرى ده دونوب ايشنديكي سوزلى سرداره تبليغ ايلادى .

بونك اوزه رينه عمرو بن العاص ، مقام خلافة بر عربنه يازدى و « قوتلى بر دشمن قارشيسنده و فتحي سـكا نصيب اولاجق بر مملكت داخلنده بولونوپورم . اراده سـنكدر » مائى درج ايتدى . خايغه حضرتلى ، بونده كي مقصدى آ كلايوب يوله چيقدى .

ديكر بر روايته كوره : قدسده محصور بولنان روملر ، اسلام اميرنى كورمك ايسـتهـديـلر و ميدانه چيقان ابو عبيدى ايله خالد بن الوليدى مشاهده ايتدكلارى حالده :

— يكرمى سنده محاصره ايله سـكـز بنه مملكتى بونلر و برمهـيز . چونكه بورانك فاتحي اولاجق ذاتك شكل و شمالي شودر . ديهرك جناب فاروق اوصافى تعريف ايتديلر . بو مناسبتله ابو عبيدى ، بر مکتوب يازوب حضرت عمرى دعوت ايتدى . اوده قاقوب مدينه دن بيت المقدس كلدى .

(تاريخ ابوالوردى) ده محرر اولدغنه كوره : عليه الصلوة والسلام افنديز ، جناب فاروقه « سن ، بيت المقدس بلا محاربه فتح ايدـهـ جـكـسـك ، بويورمش و قدسك مصالحه فتحيله بر معجزه پيغمبرى ظاهر اولمشدى . خايغه حضرتلى قدسه كيتمك مراد ايدنيجه حضرت على بي خايغه قائمقاي تعيين ايتدى . جناب حيدر ايسـه بالذات سفره جيقماسـنك سببى صوردى . حضرت عمر :

— عباسك وفاتندن اول جهاده كيتمك ايسـتـيـورم . چونكه : اولك غيوبندن سوكر سـزك باشكـزه قيامتلر قوياجقدر جوابى و بردى .

في الواقع حضرت عباسك ارتحائي متعاقبده فتنه قايلارى آجيلدى (۱)

خليفه ، برده وه اوزرنده اولديني حالده يوله چيقدى كه ايكي طرفنده ايكي جوال ، اوكنده بر قربه ، آرقه سنده بويوك بر چاناق واردى .

جوالاردن برى خرما ، ديكرى سـويـق (۲) ايله طولو ايدى . برمنزله كاينديكي كي اول صبح نمازنى قيلار ، سوكر ا چاناقى سـويـق ايله دولدورور ، اوزرينده خرما لرى ديزوب يانده كيلرى :

— كاوا هنيئا مريئا . ديهرك يـكـه دعوت ايدـهـ زدى .

بعض مورخارجه خليفه نك راكب اولديني حيوان حقنده اختلافه واقع اولمشدر ، نهايت (حضرت عمر ، شام طرفارينه درت دفعه ورود ايتمش ، برنجيسنده آتـه ، ايكنـجـيـسـنـده ده وهـيه . اوچنجيسنده قاطيره (۳) دردنچيسنده مركبه راكب اولديني حالده كمشدى) ده نيلىمشدر .

جناب خليفه ، شام امرا سـنـك (جاييه) ده (۴) طوبلانلارى ايجون كنديلرينه بر امرنامه كوندرمشدى . اورايه ورودنده (يزبد بن ابى سفيان) ايله (ابو عبيده) و (خالد بن الوليد) ي كوردى . بونلر ، عرب آتارينه بنـشـلر ، ايسـكـلى و مزين البـسـلر كيمـشـلرـدى . حيوانندن اينوب نه چاروق تبديل فكر ايتديكـز ؟ ديه قوماندانلر فـه طاشلامايه باشلادى .

جاييه قريبنده بولوندينى صيراده قدسـليـلر كلوب مصالحه طلبنده بولونديلر . (قوماندان ارطوبون) ايسـه صاووشوب مصره كيتدى . مرويديركه :

قدسـليـلر ، حضرت عمرى كورمه نيجه شهر ك قايدىنى آجادقارى جهته جناب خليفه ده وه سـنه يذوب سـوره قدر ياقلاشدى . البـسـهـسى يامالى اولوب باشنده يوكدن مسـوج بر صاربى واردى . ياننده يالكـز ابو عبيدى بولونوپوردى . دنيا لرى تتره تن خليفه اسلامك شو سـاده قياقتى سور اوزه رندن كورن قدس بطريقى :

— بوراسنى فتح ايدـهـ جـك اولان ذات ، ايشـته بودر . امان قايلارى آجـك و مصالحه طلبنده بولونك ديه فرياد ايتدى .

قايلار آجيلدى و اهالى ديشارى چيقوب امان ديلهـدى . حضرت عمر ، ده وه سـنك اوزرنده سـجـده شكره قاياندى . سوكر اينوب اهالى به امان و بردى و مملكتلرينه كيرمـلـرى سـويـلهـدى . او كيجه اوردوكاهده

(۱) جناب عباس ، حضرت هـنـاك آلتـنـجـى سـنه خلافتنده وفات ايله مشدى . (۲) السويق : امير وزننده . قارود تعبير اولنان نسنه يه دينور . اوتى ، ياخود حيواني فاوردقندن سوكر ا نفخ و ريحنى تقليل ايجون بر قاج دغه اسى هو ايله ، بعده ماء بارد ايله غسل ايدرلر . بدويلرك اكترى زادر ايلدير . داغارجه باصوب يوله تغدى ايدرلر و ميوه لرك سويق بعدالتجفيف قاروروب سحق ايله مكا اولور . قاموس ترجمه سى .

(۳) اوچنجي كايشنده شامده طاعون اولاسى طولاييسيله كرى دونمشدى .

(۴) جاييه : سوره ده حورانك شاننده حولان قاحيه سنده و مرج الصفر قرينده بر كويدير . دمشق ده باب الحاييه نامنده بر قايعى واردر .